

## Tepetema # 20 Tauī'anga Reva Kavamani o te Kuki Airani

### *Tangika Vai no Atiu – SRIC Programme*

Te tiaki iatu nei kia rauka mai tetai mataara no te tuku'anga atu i te au tangika vai ki Atiu. Ko te toenga teia o te au tangika vai tei teateamamao ia no Atiu na roto i te porokaramu a te SRIC mei roto mai i te opati o te Tauī'anga Reva. E rua ngauru ma ā tangika vai te tiaki nei i te tuatau e tuku iatu ei ki Atiu.



*Tangika vai no Atiu – 2014*

***Twenty four water tanks are awaiting shipment to Atiu to complete the SRIC water tank project in Atiu.***

### *Rauti Para e te internet*



***Te iti vaine mei te Are Pa Metua te apī'i nei ki runga i te internet 17 Sept 2014***

I te Ruitoru ra 17 o Tepetema, kua tere atu te iti vaine o te Are Pa Metua kite opati o te ICT i Parekura no ta ratou tereni ki runga i te 'tablet'. Mei te mea oki e, kua mariuriu ratou i te amirimiri e te ta'anga'anga i te tablet kua neke atu ratou kite turanga i runga mai koia oki no te akamata i te akarakara atu ki runga i te 'internet'. Kua apii atu te puapii ko Pua Hunter ia ratou no runga i te au mea tuketuke te ka rauka mei runga i te internet e pera katoa ka akapeea ratou e tae ei ki te internet. Kua umeremere te iti vaine e kua mataora ratou i teia kite ou tei rauka mai ia ratou e te au mea ta ratou i akara atu i runga i te internet. A te ra ta'i o Okotopa ko te ra teia e akamaara ana teia nei ao katoatoa no te au aronga pakari. Kua manako mai te Rauti Para Kumiti e kia rave'ia tetai apii atu i te au Rauti Para ki runga i te tablet a taua ra. Ka rave'ia te ra o te Rauti Para ki Te Atukura, i Parekura. Te vai atura te ma'ata'anga o te au anga'anga ka rave'ia a teia ra.

***Mamas at the Are Pa Metua stepped up their tablet training to learn how to access the internet, download information and manoeuvre around various programs. This is part of their preparations for the International day for the Elderly on 1<sup>st</sup> October as they will be training other seniors how to use the tablet.***

### *Te monita'anga i te tereni 'tablet' a te Rauti Para*

I te epetoma ra varu no Tepetema kua akamata atu te opati Tauī'anga Reva i te kimikimi'anga na roto i te monita atu i te puapinga tei rauka mai mei te tereni tablet a te Rauti Para i te Pa Enea Tonga. Kua aere atu te Taote Teina Rongo e Ano Tisam ki Mauke no te uiui'anga atu kite au tangata tei tomo ki roto i teia tereni'anga i to ratou manako no runga i teia apii. Kua aere katoa atu te Taote Rongo raua ko Ted Nia ki Mitiaro e Aitutaki no te monita i te puapinga o teia tereni ki te au Rauti Para o reira. E rua nga enua toe no teia akakoroa'nga, ko Atiu e Mangaia, e ka rave'ia atu te monita 'anga i teia nga enua a teia nga epetoma mua o Okotopa.

## Kura Tauī'anga Reva

I roto i te monitā'anga o teia au enua e toru, kua kitea'ia mai e ko te maata'anga o te au tangata tei tomo ko roto i te tereni o te tablet kare ratou e aere ana no te ta'anga'anga i te au tablet tei akaruke iatu ki runga i to ratou au enua. Inara, e maata katoa te au tumu'anga i pera ei.

- Matakū i te amiri me kare ta'anga'anga i te tablet
- Te maata'anga o te au tangata kua Inangaro ratou i te oko i ta ratou uaoae tablet ei ta'anga'anga na ratou i te ngutuare
- Kare i rava te tuatau no te tereni
- Kua riro teia tereni, ei tauturu i te aronga anga'anga i runga i ta ratou ngai anga'anga
- Ko te maata'anga o te au Rauti Para kua ngaropoina ia ratou akape'ea te ta'anga'anga i te tablet
- Kua Inangaro tetai pae tangata kia apai i te tablet kite kainga, kia rava meitaki to ratou tuatau ki runga i te tablet
- Kua mareka tikai te au tangata i teia apii tei api'i iatu kia ratou
- Kua oko tetai pae i ta ratou tablet e te teleponi apaipai
- Kua pati mai te katoatoa e kia rave akaou'ia tetai tereni tablet ki runga i to ratou au enua e kia akaroa iatu te tuatau kite rua epetoma

Ko te ma'ata'anga tena o te au manako o te au tangata tei ko'iko'i ia mai na roto i teia monitā'anga. Me oti te nga enua toe i te monita, ka akaputu'ia te au manako katoatoa ki roto i tetai ripoti ei tauturu atu i te au parani no te tauī'anga reva.



Dr Teina Rongo te uiui nei te manako o teia papa i Mauke 2014

***Monitoring and evaluation of the Rauti Para project commenced this month. Dr Teina Rongo and Ano Tisam spent two days on Mauke, interviewing and recording responses from participants. Mitiaro and Aitutaki islands were also completed with Atiu and Mangaia yet to be done. Thus far responses indicated that those who participated in the Rauti Para tablet training gained a useful skill which gave them confidence to use technology. Some have since purchased electronic gadgets such as mobile phones and computers for personal use whilst others installed internet connection in their homes. Although, the tablets left on each island wasn't utilised as often but people preferred to have their own personal tablets in their homes for ease of access. And obviously the majority of the people wanted more time on the training.***

### ***U'ipa'anga turanga no te moni i te tua'nga o te tauī'anga reva***

Kua rave'ia teia uipa'anga ki Bangkok, Thailand mei te ra 10 -12 o Tepetema nei. E kua tae atu a Lavinia Tama raua ko Ana Tiraa te Pu o te opati tauī'anga reva ei mata no te Kuki Airani. Mei te mea oki e te teateamamao nei te Kuki Airani kia rauka te turanga kia tuku tika ia mai te moni o te tauī'anga reva kia'ia, kua riro teia ei uriuri'anga manako i roto i teia uipaanga. Kua akamarama atu a Lavinia i te turanga o teia takai'anga e te au anga'anga e rave'ia nei i te Kuki Airani no te akatanotano'anga kia rauka mai teia turanga ki te Kuki Airani. Kua akakite atu aia e kua riro teia i te akamatutu e te aka ketaketa atu i te au nga'i tu kauvi i roto i te tu'anga o te moni. Ka riro katoa ei akatinamou i te irinaki o te au basileia i vao mai ki te au akanoo'anga o te moni e rave'ia nei e te Kuki Airani. Ko teia tu'anga moni tei akaranga'ia e ko te Adaptation fund, ko te pute moni teia tei akatango ia e te United Nations kia ta'anga'anga ia no te raverave atu i te anga'anga no runga i te tauī'anga reva.

***The Cook Islands Government is currently preparing its application for direct access to the Adaptation Fund. The Adaptation Fund finances adaptation programs in developing countries vulnerable to the adverse affects of climate change. In her presentation, Lavinia stressed that "The accreditation process has provided an opportunity in***

## Kura Tauī'anga Reva

*strengthening our country systems to ensure development partners have confidence in our systems”.*



*Lavinia Tama presenting at the Bangkok meeting (Photo by Ana Tira)*

### **Marumarū Atua e karere tauī'anga reva**

I teia Ruitoru ra 24 no Tepetema, kua akaruke atu te vaka Marumarū Atua no tetai tere ki te Moana Nui o Kiva i te apai atu i te karere taporoporo ki to te ao katoa. Te akaari nei te vaka ki to te ao katoa e kia matakite no te au mea e takinokino nei i te reva e pera katoa kia taporoporo'ia te moana no te au uki ki mua. Mei te 15 au tumutoa maroiroi tei aru atu i te vaka Marumarū Atua no teia tere.



*Crew members of Marumarū Atua departure day at Avatiu Harbour (Photo by Ana Tira) 24 Sept 2014*

*Vaka Marumarū Atua departed our shores on 24 September after a traditional farewell and pure at the Avatiu harbour with many friends, families and well wishers who turned up to farewell them. Marumarū Atua will be joined by vaka Gaualofa from Samoa, Uto Ni Yalo from Fiji and Haunui from New Zealand. The convoy will arrive in Sydney to join in with the IUCN World Park Congress in November. The vakas intend to capture world attention on climate change and ocean conservation. Fifteen warriors from the Cook Islands onboard Marumarū Atua will endure two months of sailing on Te Moana Nui o Kiva to spread the climate change and ocean conservation message to the world.*

### **Te taina'anga no te poti o Nassau**



*SRIC and OTC after signing a contract to provide trailer and aluminium boat for Nassau 26/9/2014*

Kua taina ia te akatika'anga i te kamupani OTC i Rarotonga nei no te amani atu i te poti e te terera o Nassau. Ko te nga matini o te poti ka oko ia mai tei reira mei te Pickering Motors. Kua tamanako'ia e ka papa teia no te tuku atu ki Nassau i mua ake i te openga o teia mataiti. Kua pati mai te Konitara o Nassau i teia au pakau na roto i to ratou Focal Point o te SRIC .

**Contract to provide the trailer and aluminium boat for the island of Nassau under the SRIC programme was signed today between the Office of the Prime Minister and a local company OTC. Pickering Motors won the tender to provide the two outboard motors for Nassau. It is hoped the consignment will be ready for shipment to Nassau before the end of the year. The project was made through the SRIC Focal Point**

## Kura Tauī'anga Reva

*from the island council of Nassau. Since there is only one other outboard boat on the island belonging to the Ministry of Marine Resources, this community boat will ease the dependency on the MMR boat. The boat will be used for the loading and unloading of cargo as well as fishing.*

### *Dr Teina Rongo to Nukutere College*



*Dr Teina Rongo with Nukutere College year 9 students 26/9/'14*

*Dr Teina Rongo was invited to Nukutere College to give a presentation on climate change and its impact on the ocean environment in the Cook Islands. Students from year 9 class were keen to learn about the future of our ocean environment given the global warming situation. Importantly, it was a consolation to note the interest from the students to pursue studies in marine science.*

Kua komakoma atu te Dr Teina Rongo kite au tamariki ite pupu iva o te Nukutere College i teia Varaire i topa ake nei. Te tumu tapura koia oki, te tauī'anga reva e tana kino e akatupu nei kite moana e te au mea i roto i to tatou moana Kuki Airani. Kua mataora katoa te Dr Teina Rongo ite au manako maroiroi o te au tamariki kia apii ite taeniti (science).

### *Prize presentation at Avatea School*

Kua oronga iatu te re a te pupu tamariki o te apii Avatea no ta ratou imene i te tuatau o te Lagoon Day tei rave'ia i te ra 17 e te 18 o Tiurai nei. Na Michelle Foster e Ana Tiraa i rave i te oronga'anga re ki te apii Avatea i te Varaire ra 26 o Tepetema nei.

*On Friday 26 September, Michelle Foster and Ana Tiraa presented the Avatea Students with the prizes they won at the Lagoon Day school challenge competition.*



*Pictured here is Michelle Foster making the presentations at Avatea School 26 Sept 2014 (Picture by Ana Tiraa)*

### *PacINET 2014 workshop-Internet accessibility for disable people*



*William Tuivaga presenting at the workshop 25 Sept, Pukapuka Hostel (Picture by Celine Dyer)*

Kua komakoma atu a William Tuivaga ki teia pupu tangata no runga i te anga'anga e rave'ia nei na roto ite SRIC programme i te tauturu'anga i te au taeake pakipakitai o te Kuki Airani.

## Kura Tauī'anga Reva

**The workshop which focused on internet accessibility for people with disability was conducted on the week of the 22 September at the Pukapuka Hostel. William Tuivaga from Climate Change Cook Islands gave a presentation on the SRIC projects and how they are linked with technology for the disabled people. The Rauti Para tablet training project is a classic example on how technology can be made accessible to the disabled people. Plans are in the pipeline to focus on the disabilities in the near future.**

### **Geoportal Development**



**Mana Etches from EMCI presenting on the geoportal at the PacNET disability workshop 25 Sept (Photo by Celine Dyer)**

Ko te tu'anga ta Mana i komakoma atu koia oki no runga i tana anga'anga e rave nei no te akaputupu i te au karere e tai ngai. Na roto i teia, ka ngoio ua i te au tangata i te kimi i ta ratou ka Inangaro me kare kimi marama na roto i te internet. Ko teia geo-portal tei runga i reira te au tuatua no te reva, te uri'ia, te tauī'anga reva e te vai atura. Me oti i te angaia ka rauka katoa i tetai uatu tangata i te ta'anga'anga.

**Mana Etches from Emergency Management Cook Islands gave a presentation on the geo-portal that he is working on. According to Mana, this technology will be like a one stop shop for all things disasters, weather patterns and trends, and climate change. This is useful information for disabled people to know where to go and retrieve or find information on the local situation that is locally based. This will be accessible to all people including people with disabilities.**

### **National Communication Workshop**

Kua rave'ia teia iri'irikapua i te ra 5 Tepetema kite Punanga o te Vaine Tini, Tauae. Ko te akakoro'anga maata no te kimikimi e te akaputu i te manako o te au minitiri e te taokotai'anga tuketuke no runga i ta ratou i kite i raro ake i te National Communication. Ko te National Communication e ripoti teia e tata'iana i te au toru mataiti no te ripoti'anga i te au anga'anga ta te Kuki Airani e rave nei no runga i te tauī'anga reva e pera ko tetai tu'anga maata koia te au reva kino me kare poitini e tuku ia nei ki roto i te mareva. Ka akamata atu te opati o te tauī'anga reva i te anga'anga atu no teia ripoti ki te United Nations Framework Convention on Climate Change.

**The National Communication auditing workshop was held on 5 September at the Cook Islands National Womens Council headquarters. The purpose of the workshop was to consult and gather information from various ministries and agencies about their experiences working under the 2NatCom and identify gaps, constraints and possible new work areas and priorities for the 3NatCom. The NatCom is a report on all Cook Islands climate change activities and an important component is on greenhouse gas emissions. This is a 3 yearly report to the United Nations Framework Convention on Climate Change which the Cook Islands signed in 1994.**



**Mii Matamaki leading out group discussions 5 Sept 2014 (Photo by Celine Dyer)**

**Till next time....KIA MANUIA!**